

Broj: 1-25-16-4-4145-29/17
Mostar, 27.09.2018. godine

Na osnovu člana 17. Zakona o Agenciji za pružanje usluga u zračnoj plovidbi Bosne i Hercegovine („Službeni glasnik BiH“, broj: 43/09), člana 64. stav (1) tačka b), člana 70. stav (1), stav (3), i stav (6) Zakona o javnim nabavkama („Službeni glasnik BiH“, broj: 39/14), člana 20. i člana 24. Statuta Agencije za pružanje usluga u zračnoj plovidbi Bosne i Hercegovine („Službeni glasnik BiH“, broj: 63/10), člana 8. stav (2) tačka f) Pravilnika o uspostavljanju i radu Komisije za nabavke (Službeni glasnik BiH“, broj: 103/14), na Preporuku Komisije za javnu nabavku broj: 1-25-16-4-4145-28/17 od 14.09.2018. godine, u postupku javne nabavke VHF/UHF opreme za izmjene i dopune VHF/UHF sustava BHANSA u pregovaračkom postupku bez objave obavještenja o nabavci, direktor Agencije za pružanje usluga u zračnoj plovidbi BiH na osnovu zaključka sa 76. sjednice Uprave Agencije održane dana 25.09.2018. godine donosi

ODLUKU

o izboru najpovoljnijeg ponuđača

Član 1.

Prihvata se Preporuka Komisije za javnu nabavku VHF/UHF opreme za izmjene i dopune VHF/UHF sustava BHANSA u pregovaračkom postupku bez objave obavještenja o nabavci, broj: 1-25-16-4-4145-28/17 od 14.09.2018. godine i ugovor za javnu nabavku VHF/UHF opreme za izmjene i dopune VHF/UHF sustava BHANSA dodjeljuje se ponuđaču **ROHDE & SCHWARZ Österreich Ges.m.b.H.** Technologiestraße 10 Gebäude E, A-1120 Wien za ponudenu cijenu od 639.000,00 EUR bez PDV-a, primjenjujući kriterij najniže cijene.

Član 2.

Obavezuje se ponuđač iz člana 1. ove Odluke da u roku od 7 dana od dana prijema ove Odluke **dostavi original ili ovjerene kopije dokumenata navedenih u točki 8. tenderske dokumentacije** broj: 1-25-16-4-4145-6/17, ne starije od tri mjeseca računajući od trenutka dostavljanja zahtjeva za učešće.

Član 3.

Ova Odluka objavit će se na web-stranici www.bhansa.gov.ba, istovremeno s upućivanjem ponuđaču koji je sudjelovao u postupku javne nabavke, u skladu sa članom 70. stav (6) Zakona o javnim nabavkama.

Član 4.

Ova Odluka stupa na snagu danom donošenja i dostavlja se ponuđaču koji je sudjelovao u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Odlukom o pokretanju postupka za nabavku VHF/UHF opreme za izmjene i dopune VHF/UHF sustava BHANSA broj: 1-11-16-4-4145-2/17 od 05.12.2017.godine, predviđeno je provođenje pregovaračkog postupka bez objave obavještenja iz razloga ekskluzivnosti.

U skladu sa Zakonom o javnim nabavkama te u skladu sa Uputstvom za pripremu modela tenderske dokumentacije i ponuda, Komisija je utvrdila sadržaj zahtjeva za učešće, vodeći računa o sredstvima koja su za ovu svrhu planirana.

U postupku ocjene kvalifikovanosti (sposobnosti) kandidata je utvrđeno da je Komisija za javnu nabavku pravilno izvršila otvaranje prispjelog zahtjeva za učešće o čemu je sačinila zapisnik, u kojima je utvrđeno sljedeće:

- broj zaprimljenih zahtjeva za učešće je 1;
- da je ponuđač **ROHDE & SCHWARZ Österreich Ges.m.b.H.** Technologiestraße 10 Gebäude E, A-1120 Wien kvalifikovan;

Ponuđaču je upućen poziv za dostavu početne ponude, a nakon toga ponuđač je pozvan na pregovore.

Nakon održanih pregovora sačinjen je zapisnik, te je ponuđaču upućen poziv za dostavu konačne ponude, a sve u skladu sa članom 2. stav (2) i stav (3) Uputstvom za pripremu modela tenderske dokumentacije i ponuda, u kojem je propisano da ako se provodi pregovarački postupak bez objave obavještenja, tenderska dokumentacija se izrađuje u dva dijela. Prvi dio tenderske dokumentacije je osnova za izradu zahtjeva za učešće, a izrađuje se u formi poziva zahtjeva za učešće, koji sadrži dovoljno podataka za izradu zahtjeva za učešće, te drugi dio tenderske dokumentacije koji je osnova za izradu ponude: i to inicijalne i konačne.

Konstatovano da je u predviđenom roku, u propisno zapakovanoj koverti pristigla jedna (1) konačna ponuda ponuđača i to kako slijedi:

ROHDE & SCHWARZ

Österreich Ges.m.b.H. Technologiestraße 10 Gebäude E, A-1120 Wien

U skladu s odredbama ZJN, pristupljeno je otvaranju ponuda o čemu je sačinjen poseban zapisnik o pregledu i ocjeni konačnih ponuda.

Utvrđena je vrijednost dostavljene ponude:

	Naziv ponuđača	Iznos ponude sa popustom bez PDV-a i sa popustom
1.	ROHDE & SCHWARZ Österreich Ges.m.b.H. Technologiestraße 10 Gebäude E, A-1120 Wien	639.000,00 EUR

Na osnovu analize pristigle ponude konstatirano da je ponuda sačinjena u skladu sa pozivom za dostavu konačne ponude, odnosno da je ista prihvatljiva.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, u skladu sa kriterijima iz tenderske dokumentacije. U postupku ocjene provedenog postupka, Uprava Agencije za pružanje usluga u zračnoj plovidbi BiH nije našla razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskim dokumentom. Uvidom u priloženu dokumentaciju, nesporno je da je izabrani ponuđač izabran primjenjujući kriterij najniže cijene, koja je ponuđena u iznosu 639.000,00 EUR bez PDV-a.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 10 dana od dana objave dobrovoljnog ex ante obavještenja o transparentnosti.



Dostaviti

- ROHDE & SCHWARZ Österreich Ges.m.b.H. Technologiestraße 10 Gebäude E, A-1120 Wien
- web stranica
- a/a